

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

5. Quot mala corporibus & animabus eorum, quos insidet, inferat diabolus?

urn:nbn:de:hbz:466:1-45686

muisse; tympanum putasses, aut utrem inflatum; deinde, qua parte potuit, maximam aquarum copian, cum ingenti vocis elatione, effudisse. Quid dico, aquam effudisse? consuerum est hoc etiam hydrope laborantibus. Audierat D. Dominicum concionantem femina à dæmone infessa, quæ, cùm in frequentissima turba federet, repente agitata cœpit magnis editis clamoribus verba facientem interturbare. Id consilium erat maligni hostis, sed sua machina captus est. Nam vir sanctus & lenientium imperavit spiritibus (quorum septem erant) & facto Crucis signo, jussit eos facessere. Ad imperium viri, fugatus hostis hoc prodigium reliquit, vt mulier magna carbonum & sanguinis vi per os eructata, vñā cum spiritu animam expirasse crederetur. In alijs aciculae, crines, clavi, vitrorum & oorum fragmenta, & nescio quæ non quisquiliæ reperiuntur, quæ vti non constat, quo modo intrarint, ita etiam prodigio se euomuntur.

V.

Wilhelm. S.
Theodorici.
in vita S Ber-
nardii l. 2. c. 3.
Fortunat. in
vita S. Ger-
mani Episc.
Parisensis
c. 27.
Luc. 13. 11.
Georg. Pres-
byt. in vita
Theod. Ar-
clini. In l. 2.
Vita S. Ber-
nardii. c. 4.

Atque vt manifestius fiat, quanta vastatione hominem destruat malus iste inhabitator, annumerabo, quid in alijs, atque alijs vel corruptat, vel efficiat, vt monstrosi sint. Si quidem 1. sensus inuadit eorumq; organa hebetat, aut opprimit. Hinc in Euangelio legimus, alios excæcatos, alios exfudatos, alios elinguatos, aut certè mutos factos; quemadmodum & grandæuam illam mulierem, quæ neque oculis, neque auribus quidquam amplius haurire quivit, dæmone organa horum sensuum obstruente; de qua Wilhelmus S. Theodorici Abbas memorat. 2. Vires depopulatur, vt se loco mouere nequeant, sicut puella, cuius meminir Fortunatus, quam Stygius ergastularius ita debilitate vincitam tenuit, vt templum ingredi non posset. 3. Contrahit obsessos in globum, dilatavit in lineam, torquet in omnes partes, vt experientia quotidiana sub oculos ponit, & mulier Euangelica suo exemplo testatur, de qua supra recensuimus; nec non Eutychius miserabile distorsus ac volutatus, de quo Georgius Presbyter. 4. Vi impellendi quosdam sursum attollit, vt mulierem à S. Bernardo Mediolani curatam: alios humi applaudit, ita enim filiam principis vehementissimè in terram allisit, quam supra scripsi-

mus,

mus, à Theodoro Archimandrita liberatam. Quosdam etiam in ignem, quosdam in aquam præcipites agit, vt Euangelium testatur. 5. Plurimos mōrbis & cruciatibus ita dissoluit, vt non solum membra ad officia sua præstanta reddantur inidonea; verū etiam vt color è vultu, gratia è genis, nitor ex oculis fugiat, formaque omnis extinguitur. Vt enim, si vires integræ sint, & singula membra suis locis consistant, officijsq; suis fungantur, venustas quædam proportioque allubescit; ita si hæc tollantur, necessè est, ipsam quoque pulcherrimam hominis constitutionem disoluī atque destrui. Hinc quidam ex hac hominum classe, luridi, buxantesque, & instar Auernaliū ymbrarum incedunt, viris timendi, pueris fugiendi; præser-tim si oculi igniti, velut draconum fulgurantes, accedant. 6. Imaginationem & phantasiam ita occupant, turbant, euer-tunt isti Spiritus, vt obfessus se ipsum pro monstro habeat, vt-que non solum sibi persuadeat, se in hostes suos incidisse, bel-luas cruentas videre, laruas cernere, mortem præsentem habe-re; sed etiam vt seipsum in belluam conuersum arbitretur eaque propter in obuios inuoleat, saeuat, eos laceret, & occi-dat. Talis fuit, quem gladio infesto per vrbis plateas ruen-tem, & quoscunque obuios petentem, teste Sozomeno, Arsacius integratati restituit. 7. Membris obfessi vtitur diabo-lus tanquam suis instrumentis. Neque enim tantum mani-bus inuadit, & vnguis ad se accedentes; vt eos vulneret, laniet, discerpat. Neque calcibus solum impedit & percutit Lingua illi ipsa est pro gladio; vox pro ferro est. Quām im-pias vomit blasphemias? quanta iactat in astantes conuic-tia? quām atroces caluminias spargit? quot falsis detrac-tioni-bus nomen aliorum infamat? Ita quidem lingua energume-ni abutitur. Abutitur & gutture, per quod voces trudit in-conditas & belluinas: sibilat vt serpens, rugit vt leo, mugit vt taurus. Sic ex latratu, Alexandriae, multi vtriusque sexus sunt deprehensi, à Cerbero in potestatem redacti, vt tradit Sigeber-tus. Abutitur & stomacho, quem subinde monstrosæ voraci-tatis ingluvie contaminat. Fuit Theodoreto teste, à vulpe

Marc. 9.

Sozom.lib.4.

cap. 15.

Sigebert. ad

An. Domini

517. in Chro-

nic. Theodo-

ret. in hist.

Nnnnn 3

Tarta SS.PP,lect.13

Tartarea obfessus, qui tametsi, vno die, triginta gallinæ degularet, *appetitionem tamen non poterat extinguere satietate.* Tanta famæ cum dæmone expulsa est à S. Macedonio, aquâ benedictâ. Hic talis priùs helluo, postea parua gallina particula fuit contentus. Alium fuisse refert Palladius, qui trium modiorum panes, vna vice deuorare solebat, & eosdem mox eratans resolutebat in vaporem. Quin supra omnem Erisichthonem adeò rabiosè famelicus fuit, vt, si panes decessent (quis enim ei pistor poterat satis pinsere?) sua ipse excrements comedere, & , vt ferculo potus responderet, suum ipse lotium potitaret. Quis, in hoc misero homine, dubitat spiritum immundum habitasse? Qualis hospes, tale epulum. Abutitur denique & vultu. Neque enim minaces sunt tantum obfessorum & tragicí oculi, sed etiam ipse reliquus vultus horribilis est ac truculentus, quando se se vult exercere cacodæmon; & qualem aspectū ne in ipso Atreo finixerunt Poëtae. Quid ita? Nimirum quales ipsi sunt maligni spiritus in oculis Dei, & in sua perturbata depravataque voluntate, tales formas plerunque coguntur etiam in arreptitijs exprimere; vt hospes vel de hospitio possit agnoscere. Quin etiam non coacti, sponte sua, truces volunt videri & crudeles, vt terreat, & timeantur. Non rarò certè ita pingunt genas, rugant frontem, pandunt rictum, stringunt dentes, vibrant oculos, distrahunt capillos, vt supra horrorem omnium Furiarum intuentibus horribiles ac metuendi videantur. Talia monstra ex hominibus facit Orcus, vt raceam cum etiam sœpe in ipsam animam grassari, si permittatur; siquidem dum corpora affligit, etiam in animas quædam detrimenta manant. Sicut enim, quando corpora bene affecta sunt, non exigua emolumenta in animas redundant; ita vice versa, eorundem molestiæ animas impediunt ab exercitio virtutum, quarum nonnulla opera vel membrorum ministerio indigent, vel certè eorum doloribus retrahuntur. Et quamuis dæmon hominum voluntatem per se impellere non possit, potest tamen inclinare, dum in corporibus illecebras excitat, & ea sensibus externis internisque proponit, quæ magnum pondus addunt voluntati. Siquidem corpus quod

torrumptur, aggranat animam, & terrena habitatio deprimit sensum multa cogitantem. Quanquam etiam habitus virtutum, quos importunus iste habitator inuenit, non extinguat, ita tamen saepe hebetat, vt nullam possint vel modicam habere functionem; præcipue eos, qui intellectum fulciunt, & proindephantasmatum auxilio indigent. Dum enim validus est inphantasmata, per ea etiam obfuscatur intellectum. Sic non tantum corpus sit ab hoc incola miserū & monstruosum, sed anima quoque ipsa destruitur, vt homo talis hominem non agat, sed sit quodammodo incarnatus dæmon. Quas ob caussas, inter maxima beneficia diuina, est vnum, à dæmone insidente liberari; &c, quod pauci agnoscunt, multò maius; dæmonem ita arceri, vt nos semper volens, nunquam tamen audeat inuadere. Multos sanauit Iesvs, multa varijs beneficia contulit, quæ iussit taceri, & nemini dici: at quando, apud Gerasenos, eiusdemodi hominem liberauit, dixit illi: *Redi in domum tuam, & narra, quanta tibi fecit Deus.* Quod & ipse, qui sanatus fuerat, agnouit. Nam abiit per uniuersam ciuitatem, prædicans, quanta illi fecisset IESVS, quem proinde, tanquam Deum, quem iussus est prædicare, agnouit.

Hæc talia igitur tantaque hominibus damna ab hoste humani generis cur inferri sinit Deus? Nam sine eius nutu non inferuntur. Si enim Iobum non potuit vel in fortunæ, vel in corporis bonis attingere, nisi potestate à Mundi Authore & Gubernatore accepta; quanto minus poterit in ipsum hominem intrare & vires eius inibi vastare, sine concessa sibi à Numine, permissaque facultate? Enim uero si neque in porcos potuit ingredi, sine eius permisso, quis credat, id illi in homines licere, nisi diuina prouidentia ita ordinante? Quanta enim dæmones damna corporibus & animabus obsessorum inferant, vidi mus. Si non refrænarentur, omnia pessum irent. Est in illis vis maxima, voluntas nocendi summa: &c, vt scripture ait; *Non est super terram potestas, qua comparetur ei.* Etenim, si permettantur, omnia nunc possunt operari, quæ in natura pura facere potuissent; cùm post peccatum naturalia in eis integræ manserint, vt cum S. Dionysio, & S. Thoma scholastici Do- S. Dionys. de
cotores cap. 4.
Iob. 1. 12. &
& c. 2. 6.
Luc. 8. 32.
Iob. 4. 24.